

嘉慶直隸太倉州志

直隸太倉州志卷第三

封域

太倉爲瀕海要地前代由衛建州 國朝改直隸
州規模闕備與大郡埒疆界之分析溝封之增廓
今昔殊制矣府以管縣爲界直隸州於管縣之外
自有本境地之犬牙相錯者不可不辨今列其建
置沿革考其分至形勝而里至岡墩以次附焉志
封域

沿革

太倉州

禹貢揚州之域周武王封仲雍之後周章於吳地屬焉

其後楚封春申君於吳越絕書吳兩倉春申君所造西倉名曰均輸東倉周一里八步相傳東倉卽太倉也秦隸會稽郡漢置婁縣地爲縣惠安鄉則地之名婁由此或謂漢爲封吳王濞地枚乘說濞曰吳有海陵之倉臣瓚註以爲海陵有吳太倉未必然也按楊諱崑山志濞遠在七百里之外枚乘說濞所指太倉乃指海陵卽今泰州也江南通志輿地志內泰州建置沿革表云吳王濞積粟于海陵之倉而後漢書志廣陵郡東陽縣有長洲澤吳王濞太倉是也則海陵自在今之泰州未宜牽引後漢順帝時改置吳郡三國時屬吳案太倉及東倉之名無可考信或元明間人率附舊聞陳仲太倉事蹟考云孫權交好于公孫淵置倉今武陵橋北故名太倉亦未詳所據舊志又以爲春秋吳王之倉以爲吳越錢氏之倉然夷亭以東在古皆爲斥畝之地且去國都太遠楊諱陸容皆辨之至元代海運厥名始著張采梁天監六年分婁縣志云太倉因海運得名近之矣

置信義縣屬信義郡大同初又分信義爲崑山縣而州爲崑山縣之域隋開皇間廢崑山縣十八年復置唐屬蘇州隸江南道天寶十載分縣之南境及嘉興海鹽二縣地置華亭縣移建崑山縣治於馬鞍山之陽按方輿紀要云梁置崑山縣在今松江府西北二十里崑山之陰隋因之唐天寶十載始移縣治於馬鞍山之陽卽昔之婁縣也五代屬吳越宋政和中隸平江府元改府爲路屬平江路至元十九年朱清張瑄自崇明徙居太倉建議海漕因通海外番舶往來市易謂之六國馬頭元貞二年以戶口計陞崑山縣爲州按宋元通鑑以縣五萬戶以上至五萬戶爲下州延祐元年行省參政高昉疏請遷州治於太倉至正十六年張士誠據吳復徙崑山州治於馬鞍

山之陽明初立太倉衛洪武二年州改縣十二年分立
鎮海衛宏治十年都御史朱瑄御史劉廷瓚因鄉人陸
容議疏請割崑山之新安惠安湖川三鄉及常熟之雙
鳳鄉嘉定之樂智循義二鄉建太倉州領崇明縣隸蘇
州府朱瑄請立州治疏略臣惟事有便於民者不嫌於
創改政有益於治者不憚於更張如太倉設州誠
於軍民便利有六如崑山管轄唐茜涇等處常熟管轄
直唐雙鳳塗松等處嘉定管轄劉家港等處各離縣遠
若干里到太倉各近若干里若將附近鄉都分割則秋
糧當差不致遠涉一也太鎮二衛本備倭寇而設近年
官軍俸糧俱往別縣關支尤為不便萬一寇發城閉何
待以守若立州則糧積充足有備無患二也衛所內外
軍民雜處大率軍多刁橫欺凌民戶與訟委官不得約
會致監禁日久若立州則民有宗主不致受欺軍知畏
懼不敢縱惡設有獄詞可以旦夕聽成三也附近人民
每將貨物入城變易有等光棍用強攬買尋鬪搶奪以
致鄉民別處市集路遠費多若立州庶免前弊四也崇
明離蘇州甚遠其民到府必經太倉而守禦千戶所又

屬鎮海衛轄若立州統領崇明則遠近相制五也衛學軍生例有歲貢三縣民生附近衛學肄業既無廩資又無歲貢故科第以下白首窮經遂絕生路若立州軍民生徒廩貢得視別學勸掖後進六也以臣愚見灼知有益用敢備陳

國朝因之雍正三年總督查弼納請分大縣陸太倉爲直隸州析州地爲鎮洋縣同城而治其界則雙鳳新安鄉全歸州境惠安湖川鄉半歸州境領縣四鎮洋嘉定寶山崇明州治後有山曰鎮洋爲一州之鎮

鎮洋縣

鎮洋縣以鎮洋山得名宋景祐閒范仲淹開茜涇浦縣地始見於史嘉定十年割崑山地置嘉定縣嘉定北境今縣之南境也元延祐元年海賊牛大眼劉家港八寇劉家港亦今縣境至正十三年立水軍萬戶府半涇有

故府基亦在縣境 國朝雍正三年析州地爲縣城內

畫太倉塘

太倉塘舊各至和塘

以南屬之縣治在塘北以塘南學

宮地與州互易附郭以上二都二十九圩東一都八圩
隸縣全境南至嘉定北起十二都由湖川塘界二十二
都穿七都達花漚口界七鴉東至爲州首邑

嘉定縣

宋嘉定十年分崑山縣之春申安亭臨江平樂醋塘五
鄉二十有七都置縣建治於練祁市因以紀年名邑屬
平江府元元貞二年陞州屬平江路明洪武二年復爲
縣屬蘇州府宏治十年割北境爲太倉州仍屬蘇州府
國朝因之雍正三年改隸太倉州析東境爲寶山縣

寶山縣

明永樂間平江伯陳瑄奉命修海岸累土爲山名寶山上建烽埃高三十餘丈周一十五里縣之名因此其地舊爲嘉定縣境 國朝雍正三年巡撫張楷疏請析嘉定之守信依仁循義樂智四鄉爲寶山縣隸太倉州

崇明縣

縣本崇明鎮唐武德元年海門縣之南湧二沙洲名東沙西沙其後黃顧董施陸宋六姓易爲田神龍初立崇明鎮於西沙崇明之名始此宋天聖初續漲一沙於西北姚劉二姓居之因名姚劉沙建中靖國初又漲一沙於東北有句容朱陳張三姓居之名三沙嘉定間立爲

天賜塲元至元中戶口日繁檄廣西橫州知州薛文虎
撫之旋請於朝爲州卽以文虎知州事隸揚州路崇明
之陞州始此至正十二年徙州治於新漲北十五里是
爲一遷明洪武二年地坍戶減降爲縣八年改隸蘇州
府永樂十八年遷縣治於秦家符是爲再遷宏治十年
建太倉州以崇明屬之崇明之兼隸太倉始此按是時隸蘇州府而崇邑屹時海外距太倉較近因兼領其地非專隸也故時有雙州聖頂獨縣當頭之諺云嘉
靖八年遷於三沙馬家浜西南是爲三遷二十九年遷
於平洋沙是爲四遷萬歷十一年知縣何懋官卜地於
新漲長沙卽今縣治按縣治屢遷皆因海潮坍逼故國朝因之雍正
三年陞太倉州爲直隸州崇明遂專隸太倉州云

星野

太倉州

四縣同附

星野之說互有不同宋史天文志天市垣二十二星其東南垣第六星主吳越甘氏星經北斗七宿其四星曰權亦名伐主吳春秋緯文耀鉤云蒙山以東至南江會稽震澤徐揚州屬權星顧考爾雅星紀斗牽牛郭璞註牽牛斗者日月五星之所終始故曰星紀左氏傳吳伐越史墨曰越得歲而吳伐之註此年歲在星紀星紀吳越分野周禮保章氏註斗女屬揚州又曰星紀吳越也太倉州屬爲古吳地分野當以星紀爲正然按地理志吳地斗分越地牛女分明史天文志蘇州屬斗分又清

類分野書蘇松入斗五度則是吳地屬斗而不屬牛女也又案蔡邕月令章句天有十二次每次三十度三十二分之十四自斗六度至女二度越分野費直分星次斗十度至女五度吳越分野皇甫謐帝王世紀自斗十一度至女七度吳越分野晉天文志南斗十二度至女七度吳越分野則是分野度數之各異也 本朝星紀宮交度西法赤道自箕三度七分至斗二十四度二十分黃道自箕四度一十七分至牛一度七分蘇州府屬分野總屬斗六度考後漢郡國志註周天三百六十五度四分度之一其一度爲二千九百三十二里則今蘇州府屬及太倉州屬皆不出斗六度也

形勝

太倉州

鎮洋縣附

前橫婁江東接巨海

大清一統志

滄海東瀕玉峯西望婁江

南繞虞山北障

江南通志

天造澤國衆流所歸傍海之涯地

勢頗高溝瀆雖多不決不下如其浚深江潮乃來

宋范仲淹

沃野墳腴杭稻油油控江帶湖與海通波山川孕靈

人物魁殊

宋莫子純廟學記

句曲之東其縣維婁地大民夥陞

次雄州

元李孝先記

帶江控海商賈之區漕舟之津既富且

庶

元冀肅記

濱海通漕商賈輳集民以富庶視舊過之

元上官震

記西接太湖逕通大海水流迅速

明夏原吉奏議

東薄於海捍

海作邦陵谷以變井邑以還

明楊維禎記

沿州之東滄溟環

輪新邦呀然傲睨踞壓

明祝允明文集

宏川廣野水流而不涸

土崇而不峭風氣渾龐鬱在人目

國朝周襄文集

腴土豐穀

廣川長鮪通湖負海果布之湊

國朝楊慎文集

嘉定縣

具區之野吳淞之滙東瞰滄海西瞻洞庭

宋葉清臣賦

東接

大海雲煙瀕洞日月吐吞萬里空濶

國朝趙俞鍾樓記

寶山縣

瀕海之墟江流之會外卽滄溟浩渺無際海舶往來最

爲衝要

明成祖寶山碑記

土築孤峯舳艫彌望天長浪濶魚龍

出沒

國朝侯榮觀海記

崇明縣

形如蕉葉廣長袤隘

趙廷健志

高廖二嘴淺灘隱隱依浪如

山無風自震

同上

屏藩十郡鎖鑰五省

同上

四至八到

太倉州

東西廣五里

南北袤六十一里

由州治至

京師

二千八百四十里

至江寧省城五百七十里

東至

鎮洋縣界西亭子橋三里

西至鎮洋縣界大西門外

二里

南至鎮洋縣界太倉塘一里

北至蘇州府昭

文縣界白茆塘六十里

鎮洋縣

東七十里至海崇明縣界

西一十里至清水港蘇州

府新陽縣界 南一十二里至葛隆鎮嘉定縣界 北一十八里至茜涇河本州界

嘉定縣

至本州一十八里 東一十八里至羅店鎮寶山界 西二十四里至安亭鎮蘇州府新陽縣界 南四十八里至盤龍港松江府上海縣界 北一十八里至六渡橋鎮洋縣界

寶山縣

至本州五十八里 東至大海 西四十里至廣福鎮嘉定縣界 南四十里至嚴家角松江府上海縣界 北五十里至小川河鎮洋縣界

〔崇明縣〕

至本州一百四十里 東至大洋 西海面七十餘里
至七鴉口本州界 南海面七十餘里至寶山縣界
北海面一百餘里至通州界

〔山圖〕

墩附

〔太倉州〕

穿山一名颿山在州東北四十二里巨石屹立崇一十
七丈周三百五十步中有石洞通南北往來

舊傳有仙
居之故名

仙人洞

臨海記云穿山下洞穴高十餘丈昔有海行者舉

帆經其中明正統間近山居民鑿池得桅其末徑尺有
二寸蓋海中小島也今山在平陸去海二十里產金燈

花九月間花開滿山俗為遊地

徐有貞詩一奉秋水骨凡立浦雲還地僻通靈

島門開似玉關碧分芳草色蒼入古苔斑為有劉安客

題詩詠小山 吳偉業詩勢削懸崖斷根移怒雨來洞

深山轉伏石盡海方開廢寺三盤磴孤雲五尺臺蒼然

飛動意未肯臥蒿萊 王揆詩一拳兀立占荒郊濕帶

龍腥黠未消洞口蒼藤迷舊路寺門老樹識前朝雲來

蔚石天連島海欲吞山夜怒潮此處可容高士臥淮南

叢桂漫相招 鰲圖詩清風引我到穿山山在東南雲

水間海表政平春色麗一州百姓得安閒峯浮海上地

浮春此日登臨眼界新菜已開花蠶豆熟望中俱是太

平民昔年仙去洞空傳今日春酣萬象全雞犬無聲民

樂業神仙何必更升天山以帆名掛客帆當年海

上指樓臺滄桑閱歷今來我從此斯山更不凡

鎮洋山在州署後 詳營建志

仰山在學宮後

詳學校志

玉影一名山在州東北七十里陸河鎮聖像寺前

附秦蕃詩 酒史茶經未易刪清秋官舍正瀟閒 為言何處尊鑒美家在滄江玉影山

案州境及鎮洋嘉定寶山三邑平行無山惟穿山卷石耳餘皆壘土爲之然書曰爲山九仞莊子曰邱山積卑而爲高詔非山可乎故附於此

太倉岡身

案太倉多由積沙或漕河聚土成阜土人謂之岡身地宜木棉豆麥

上岡身

下岡身

歸湖岡身

程穆衡岡身攷略張采州志有大倉岡身上岡身下岡身歸湖岡身四名不指其處考王

濟之姑蘇志已然其名始於朱長文續圖經其言曰瀕海之地岡阜相屬謂之岡身天所以限滄溟而全吳人也郊亶水利書則云太倉俗號岡身岡身之東有一塘謂之橫漚趙霖治水狀云瀕海之地特高於他處謂之岡身又云岡身之民每雨則恐裏水之減不給灌漑悉爲堰以止流水志所列諸岡身既不知其處始以亶言覈之在橫漚之西據今北門外白高家橋起經雙鳳至直塘凡傍鹽鐵河漚行者俗俱名岡身路橫漚在東鹽鐵在西皆貫南北南爲鎮洋縣境則亶所言橫漚以西之岡身縣亦分隸焉又向傳縣界吳塘岸爲歸湖岡身

身則今西關外三官堂後有西岡身路或即其處乎凡岡身之迹其可尋求者若此

東陵岡在州北二十七里七浦北岸由直塘至沙溪鎮

皆是塗松岡亦在七浦濱自沙溪東至浮橋皆是按常熟縣

志云此岡在瀆七浦時積土所成

重岡在州北三十里直塘鎮南周涇濱晉瞿硎先生墓

磚刻葬東陵武安寺重岡之原即此唐璠重岡春望詩潮迴極浦岸崩沙

依杖岡身落照斜薺麥路迷高士墓杏花村隱孝廉家泥香茅舍初歸燕水長芹塘未闢蛙莫嘆故鄉風景異

吾生到處是天涯

拋沙墩在州北一十五里鹽鐵塘西岸高十餘丈址周

百餘畝本虞山發脈為州治幹龍地皆積沙里人取以

供堤知州朱楚望立碑禁止開墾

鎮洋縣

文筆山在學宮前玉帶河南岸

詳學
校志

茜山在縣東五十里茜涇城北門外產茜草可染絳今
草不生土人云昔建城開濠鑿斷山脈下皆煤炭今城
內廣孝寺後山脊尚存

逃鹿墩在縣北一十二里傍吳塘岸高五丈址周二十
餘畝相傳吳王鹿陂故址今隅迹僅存

嘉定縣

應奎山在學宮前

詳學
校志

青岡在縣西五里又名中岡身

宜杲宿練岡小舍詩有
懷行郭外話久得歸遲

小艇隨流水輕雲戀落暉鵲驚霜色重
客醉夜光微商略平生事飄飄意欲飛

直隸太倉州志

卷第三

封域

山岡

十

外岡在縣西一十二里又名西岡身舊名信義岡

沙岡在外岡南五里其土俱沙

游君傳沙岡待潮詩待潮舟閣淺邊岡少憇田

園竹樹涼數點弄秋疎雨過槿花籬落帶斜陽

淺岡在沙岡南五里

東岡在縣東二里又名岡身路舊名伍家岡

雷墩在縣西南五里俗傳有雷石入地其土煖蒔菜早熟種瓜味甘異於他處

黃墩在縣西南二十里

北假山墩在縣東北一十二里

寶山縣

寶山在縣東南四十里

見前沿革

分水墩在縣西一十三里

南假山墩在縣西二十四里

白米墩在縣西二十五里

崇明縣

蛇山在高廖二嘴東洋面一名長山一名茶山又名佘山順風揚帆半日可到有東西二峯東峯不可上其西峯頂有石大數畝五十七松環之稍東爲雞骨山

按洋中諸山遵乾隆四十八年勘定江浙洋面碑文及洋面圖

小龜山在蛇山東南

大龜山在小龜山東

金雞山在大龜山東

大洋山在金雞山南

大洋山之南俱
浙江省洋面

按縣志有舟山今屬
浙省管轄故不載

小洋山在大洋山東北山多羊又名羊山有碑曰海濶

天空總督噶禮巡洋時立上有天后宮三官堂羊公廟

有嶼曰大嶼寧波嶼施家嶼黃泥嶼鍋底嶼羊尾子嶼

胡驥詩澤國行平野四顧渺屏蔽驚濤湧嵯峨出沒隱
天際黛色遠更濃盈盈入遙齋對此蒼茫間時爲豁雙
睇

小七山在小洋山北又名小檣山

大七山在小七山北又名大檣山

了髻山在小洋山東

帳房山在了髻山東

長山在帳房山東

馬蹟山在小洋山東北漁人多漁於山麓田腴可耕舊
有人民栖止其上康熙五十年海氛旣靖恐萑苻潛匿
總兵穆廷枋各遣還鄉焚其廬至今牛羊徧嶺蓋舊日
之蕃畜也上有南劍門北劍門南紀湖北紀湖瓜子套
黃沙套青沙套朝陽套大黃沙套小黃沙套小官嶼大
官嶼長大嶼大田嶼小田嶼梳頭嶼其西南爲南丁興
西北爲北丁興東爲花轎山北爲馬坊山

馬蹟山脚以
南之洋島屬

浙江
省

以上諸山皆在大洋爲崇明鎮水師巡哨所及之
地

直隸太倉州志卷第三

圭
圭

土山在平洋沙

玉龍山在奉聖寺後

孟集九日玉龍山登高詩十年困

序復何有今日天氣嘉共言值重九玉龍聳高寒黃花照虛牖快談得佳士且喜杯在手西風吹烏紗使我開

翔鳳山在西沙興教寺後

金鼇山在東門外壽安寺後舊名金鳳山

吳金城詩花飛片片染苔

斑木末幽亭試共攀新柳三眠撩蝶夢遠峯一抹覆螺鬟陽和鷹眼看皆化泮水鷗音聽不變今日使君同醉守宴酣何必定滁山

以上四山皆壘土爲之故附名於後

濟民墩一名避潮墩

詳營建志

直隸太倉志卷第三終

直隸太倉州志卷第四

〔營建〕上

太倉自前代以來爲三吳海道屏翰 國朝陞直隸州統轄四縣建置大備城郭府庫壇廟祀典繫於職司者綦重至于表里畫疆則坊巷市鎮橋梁津要不可不詳志營建

〔城池〕

〔太倉州〕

州城舊設木柵元至正十七年張士誠據蘇州遣將高智廣移常熟支塘城改築周一十四里五十步計二千六百十丈高二丈廣三丈池周一十五里百七十步計

二千八百七十五丈舊廣八丈六尺深一丈五尺年久

淤狹今廣三丈深六七尺不等

案城濠墾已度爲耕地歲收民租充解撫轅雜

項但居民填濠拓地漸不容刀苟非嚴禁陸門七曰大侵占不時開濬則填塞可待設險之謂何

東曰朝陽曰大南曰大西曰小西曰大北曰小北舊有

小東竹場二門今塞初設大東大西小西水門各一明

萬歷初增南水門在朝陽門西崇正間廢 國朝康熙

二十三年知州余瑞國重設門樓四大南曰清遠明成

化十八年都指揮郭鉉建大東大西大北門三樓明正

德十年知州黃廷宣建樓前榜大東曰賓曦大西曰迎

恩大南曰廣濟大北曰拱辰後並圯城上巡警舖六十

六今俱廢敵臺二十八四大門各有月城門外跨濠各

有橋大東曰慶豐大西曰迎恩大南曰安阜大北曰拱
星今大南橋額廢雍正三年卽城分鎮洋縣境陞太倉
州爲直隸州州境自大東門迤北折而西至大西門水
關止轄城垣一千二百五十三丈計陸門四水門一明
月城三弔橋三
制修城軍三民七雍正年間奉

旨動帑修築官給夫值著爲例乾隆二年知州江之煒
支領司庫匣費銀修城至五年工竣三十二年知州邵
豐鏐詳部給銀建造大西大北二門鼓樓上下各三間
大東門鼓樓分縣
後歸鎮洋邑建造小北門更樓一閒三十五年閒知州
邵豐鏐詳部給銀加填城心土胎計九百四十二丈建
炮臺十一座五十九年十一月知州鰲圖捐廉一千八

百兩修大北門城垣二十五丈小北門城垣一丈五尺
大西門城垣五丈建敵臺二座
濠向派附郭圩圍開後
張金雨中泊太倉詩
太倉城河潮水生石橋西下官鼓鳴客子思家孤夢遠
舟人刺船雙櫓輕橫風倒海浪作勢急雨過山雲不行
暫時繫纜小港口
城門擊柝聞初更

鎮洋縣

縣城析州城之半自大東水門迤南折而西至大西水
門止轄城垣一千六百三十二丈
計陸門三水門三濠
月城一吊橋四
依城畫界 國朝乾隆二年知縣平其政動帑修濬四
年知縣金鴻接辦至八年工竣二十五年知縣賴晉准
劉河營詳建營房以資門兵栖息二十八年建大南門
營房二間小西門營房一間朝陽門營房一間典史張

秉中領銀建造三十二年大東門大南門建鼓樓各一座每座上下兩層朝陽門小西門各建更樓一座知縣劉沅領銀建造三十五年週城土胎低矮卑薄處僱夫帮填計長一千三百九十五丈并建炮臺十九座知縣劉沅詳請銷工料銀六百七十三兩八錢六分五釐

茜涇城

乾隆三年總督那張漢平領銀監築

奏准飭蘇州府海防同知

門城牆一段士民龔元溥等捐銀知縣賴晉捐廉奏辦

三十四年春雨崩卸毀裂西門南首城牆知縣劉沅捐修

嘉定縣

縣城宋嘉定十二年知縣高衍孫築土城元至正十七年張士誠遣將呂珍築城甃以磚石周九里計一千六

百九十四丈高一丈五尺陸門四東曰晏海西曰合浦
南曰澄江北曰朝京東西南水門各一濠廣十三丈深
一丈塹廣二丈深五尺明正德閒城漸圯值流寇據狼
山知縣王應鵬于城上築土牆爲防禦計嘉靖十五年
知縣李資坤增闢北水門十九年知縣馬麟增築城上
土牆以備海寇三十二年知縣萬思謙改甃磚堞周二
千二百六十六丈六尺高二丈六尺基廣五丈面廣三
丈知縣楊旦重甃東南隅置堞二千三百六十九加崇
四尺增築東門月城四門各建樓置敵臺十六守舖三
十四舍易其門名西曰濟漕南曰宣文北曰振武東之
名晏海者仍之

明邑人徐學謨記歲癸丑倭賊在大洋
瞭諸灘咸沙葦平漫莫省向詣乃寶山

獨隱隱蘊煙濤開賊遂幟而登陸寶山在嘉定東境以
故嘉定之患特首先諸郡是歲五月賊迫城急城岌岌
雖線以泥垣垣亦穴可躍而登也于是城大閑會城
之主者出人盡號而奔主者歸下令戒民無奔乃塞垣
之寶者編甲而守之賊退已復攻城東門門有善射者
殲其魁又遞去主者謂誰南昌萬侯也時賊猶躡境中
勢張甚侯曰嗟事危矣亟圖城于上官願乘賊之隙而
繕之便議可計出帑金若干募民資若干畫田而授役
稽度以程工故址鮮蝕剔而出障以堅木甃其上甃而
崇焉時侯業已內遷又留數月而城乃就緒嗣侯者曰
上虞楊侯又請于上官得贖金若干葺其臺而善崩者
增其堞之庫者瘡其濠之淤者爲一臺若干座以疏隙
望爲戍舍若干楹以息守土爲譙樓爲水關爲浮梁各
四以棲鼓漏以時蓄洩以防警急而城之門名易而新
之城高若干丈週表若干里工始于癸丑冬十月訖于
丙辰夏六月凡三年而告成二侯之功不其偉與城成
而賊至屢攻屢挫萬歷十八年知縣熊密移南水門于
久之賊竟不敢迫

東更名滙龍關

三十年知縣韓浚塞滙龍關復開南水

塞南水關開滙龍關康熙二十三年知縣聞在上復塞
滙龍關開南水關舊說劉河水盛宜塞舊關使勿直流

吳淞水盛宜塞滙龍使勿紆道皆形家言也

二十五年知縣王福徵疏內塹

東西北三門內各建石橋一

三十年知縣韓浚增置雉堞守舖及四

隅房

城周如舊高二丈九尺共計雉堞二千五百一十三敵臺三十三守舖三十六四隅房各一

天啟開知縣謝三賓修守舖二十舍

風雨之夕令每舍懸燈以便往來巡徼

崇正十年知縣萬任縣丞焦應鶴重新城門水門置閘

板濬城濠

萬任城上遠眺詩無山無水類窮鄉竹樹參差覆女牆野老襟期仍古樸後生風氣漸剛

更向城樓高處望木棉花白海雲黃

國朝順治九

年知縣查逢盛修葺城垣次年濬東西城內塹十七年

知縣呂奇齡濬內塹康熙六年霽雨毀堞百餘丈知縣

余敏重修十年大雨毀堞知縣趙昕重修二十三年知

縣聞在上重修城垣葺四門城樓雍正七年知縣江之

煒濬外濠乾隆二十四年知縣介玉濤重修城垣葺城樓五十五年知縣於一芳修葺城樓浚東城內塹

寶山縣

縣城舊爲吳淞城明洪武十九年命滎陽侯鄭遇春會同鎮海衛指揮朱永築土城于依仁鄉距海三里後漸圯入海嘉靖十六年兵備副使王儀更築土城于舊城西南一里十九年海賊入寇軍民移棲新城以舊城爲教場三十一年倭犯境明年夏四月圍舊城潰遂廢三十三年巡按尚維持以土城難守檄嘉定縣知縣楊旦甃新城周七百三十丈高二丈四尺濠廣二丈四尺深一丈塹廣二丈深八尺闢西北水門一陸門四雉堞一

千一百九十敵臺九窩舖四十萬歷四年副總兵黃應
甲建四門城樓移水門于東南二十八年巡江御史朱
吾弼復移水門于西南二十九年嘉定知縣韓浚增建
四角敵樓天啟六年知縣謝三賓濬外濠壩塞海口

國朝順治七年副將沈豹濬外濠復移水門于東南十
三年副將趙光祖復濬外濠併築濠上土牆康熙元年
知縣潘師質修城改併垛口重建敵臺四座窩舖二十
八舍九年霪雨傾城參將王永正移請知縣趙昕估工
修築併造四角敵臺四座五十六年參將趙武濬內塹
開西南西北二水門西南水門旋塞五十七年知縣李
士甄奉文動帑修理重建四門城樓雍正三年析置寶

山縣卽城爲寶山縣城乾隆四年知縣胡仁濟領帑銀二千七百六十八兩有奇修葺城堞門樓併城門弔橋又捐建鼓樓于串心街乾隆八年知縣趙酉濬內塹按史葉陳瑄傳瑄言嘉定頻海地江流衝會海舟停泊無高山大陵可依請于青浦築土山方百丈高三十餘丈立堞表識旣成賜名寶山帝親爲文記之○附明顧鳴鳳秋日登吳淞城樓詩極此登臨興秋高雲氣清遠看沙磧影近接海潮聲浩瀚寰中景蕭疎物外情斜陽煙樹杪薄暮向孤城

寶山堡城

詳兵防類

崇明縣

縣城元至正十四年陞天賜場爲崇明州始築土城明洪武二年改縣治經屢遷詳封域類至萬歷十一年知縣何

懋官始度地于長沙李大經繼之築今城周四里三分

計七百二十五丈四尺高二丈濠廣九丈陸門五東曰

樂平西曰慶城南曰迎薰北曰拱辰東南曰朝陽水門

二一在東南一在西北今廢門樓四南門建樓駐馬廳

五窩舖二十八月城五敵臺十一王世貞新遷長沙城

而隸蘇既又隸蘇之太倉州濤爾邑址則謀徒凡四徙

矣城皆土築故于徙易嘉靖甲寅警于倭始謀用甃凡

費帑金五萬餘去海四十里迄今三紀齧復及址前令

何公相地得長沙未興工會何遷去今令李公詳請上

憲具疏許留臺贖緩萬金其餘七千三百六十餘金屬

李公白為策李公復請民故應償竈產軍需及歲捕魚

稅以足之于是畫地鳩工木石甃瓦諸材之可用者公

私悉遷以從事土城始于萬歷十四年八月至十一月

而畢甃築始於萬歷十五年七月至十六年二月而畢

立衙署建學舍兵民之室宇靡不奠居公占之田別以

腴阜者補之新邑之疆去我州之遊擊營僅隔一水烽

火相望即緩急有警援師以應晨發而午可至矣○熊

梓城完志喜詩鰲背何年一帶懸幾羣雞犬竹籬前煙

籠草樹四時雨月漾鯨波萬里天雉堞喜看孤邑壯沙

陽間趁晚潮還太平此日
休忘戰笑枕麗龍海上眠

國朝順治十年知縣陳慎

于濠內鑿品字塹以禦寇十二年副將李必以堞多難

守併二爲一十四年叅將楊膺再併二爲一

原堞一千七百六十

二今併爲四百四十一

十六年城西北隅燬于兵遊擊王龍劉國

玉知縣陳慎貢生施文團練包日昇命取城中櫥櫃實

土隨毀隨補協力守城寇隨退十八年總鎮張大治咨

總督郎廷佐提督梁化鳳塞舊濠增築土城于外周六

里計一千八丈高二丈八尺並鑿新濠廣十丈餘知縣

龔榜貢生施文董其役並建五柵門康熙十二年總兵

姚自強捐俸甃土城五年工未竟十四年提督劉兆麒

繼任首捐俸訖工饒石題額併建五樓外城五門東曰

春暉西曰鎮海南曰崇安北曰武定東南曰百勝門內
各建駐馬廳一軍儲房一十五年提督劉兆麒作筏國
以禦土城之傾者國式以木爲架編筏實土其中十九年六月淫雨坍
壤復命修築每里長各置一國雍正十年知縣高國楹
修西門北首城垣乾隆元年知縣許惟枚修西門北首
城垣西北角東首城垣

壇廟

太倉州

文廟

詳學校

崇聖祠

詳學校

社稷壇高三尺廣袤各二丈五尺廉築石四陞各三級

繚以垣闢門四正中立石樹土所宜木舊在大西門外沙浜之西後移蔣黃浦北 國朝雍正十年奉

旨頒式改建舊有神厨房宰牲房庫房齋宿房滌池瘞

坎徭人守之今俱廢主以木一書州社之神一書州稷

之神春秋二仲月上戊日祀

明張寅記略社爲五土之神稷爲原隰之祇能生五

穀者以其有功于民故祀之舊壇北向新壇南向寅惟地乘陰則社乃陰氣之主設主于壇上北向祭者南面對之答陰之義也然南面者尊君之禮而祭者當之北面者卑臣之禮而神主居之義不相安故正南向之位則時之制也

風雲雷雨山川壇在南門外西偏制同社稷壇高二尺

址廣三十五步 國朝雍正十年奉

旨頒式改建木主三一書風雲雷雨之神一書山川之

神一書太鎮州縣城隍之神春秋二仲月擇日迎城隍神合祭

先農壇高二尺一寸廣輪二丈五尺廟三楹旁屋二楹前戟門東西轅門在大東門外東一都三畝仲春亥日祀耕藉九推壇基三分藉田四畝六分歲收米穀供祭祀

雩壇不另建 國朝乾隆七年奉

旨歲孟夏擇日卽先農壇設木主一書風雲雷雨之神一書山川之神一書縣社之神一書縣稷之神并奉先農神主雩祭如仲春祭先農禮

八蜡壇不另建卽先農壇設木主祭先嗇司嗇農郵表

暇貓虎坊水庸昆蟲八神臘月土戊日記

武廟在小西門內長春里明萬歷九年建里人王世貞
撰碑記祀期以歲春秋仲月及五月十三日 國朝雍
正三年追封三代公爵春秋同日祭于後殿嘉慶二年
廟災知州鰲圖捐廉勸修于三年秋竣工內外規模較
昔更爲宏壯尙書朱珪題聯州專祀別有廟在大南門
外里人張采募建爲縣專祀

文帝廟嘉慶六年知州康基田就梵鐘禪院改建是年
八月奉

上諭文昌帝君主持文運福國祐民崇正教闢邪說靈
蹟最著海內崇奉與關聖大帝相同允宜列入祀典用

光文治等因部議以二月初三日 聖誕爲春祭秋祭

另行擇吉行文地方官敬謹致祭州治向無 文帝專

祀城東南朝陽門有塔院一所置鐘於上曰鐘樓半已

就圯下有古河環繞亦久淤塞知州康基田疏通古河

重修殿宇式廓其制卽其地改爲 文帝廟記云今上勤政

之六年 命天下郡邑守長崇祀 文帝春秋祭用

太牢典禮如帝制以是年八月望後二日爲祭始余時

方修州治東南鐘樓其地爲禪寺昔人於此建塔置鐘

開朝陽門水關引水入城墾其下寺內兼祀 文昌

蓋取齊與見離之意然未立專廟余相度形勢思葺而

新之式廓其制崇祀 文帝訪於州之人士僉曰善於

是始興工作工未及旬而頒奉 諭旨 天命人

心適相孚合蓋運會之隆而地亦効靈也初余受事之

匠月聞西關河橋梁木腐朽炭炭就圯履其上者時虞

顛覆橋爲往來孔道蘇松及州屬自西而來者必經其

地勢難緩待居民猝不能任其事寶山令楊君可春以

事至州與謀修復慨然自任會同鎮洋令石君文德鳩

玉牀村不換閘閘旬日工成橋下河通城內水關城中
王帶河由朝陽門引水而人首尾通長八百餘丈塞閘
不通併疏而闢之而鍾樓廟工亦同時並舉適嘉定令
盧君峻至樂橋之成而玉帶河之將次就理也乃往鐘
樓周行相視奮然曰是余可獨任也駐工督修晝夜不
輟缺者補之傾者完之已廢者復之奎茨丹雘備臻美
善比河成而廟工亦竣祀文帝於中殿以爲專祀寶
山令楊君復捐資生息爲守廟薪水之需廟內廣植桂
樹符合體制永垂久遠既訖工州人來觀者相望於道
歡聲盈路士大夫樂得勝地而又喜有專祠至於久而
不能廢相與詠歌其事農夫欣於野商賈慶於市
天心人意不期而自合地運有默使之然者信非偶也
是役成於不日絲毫不累民間余嘉寶山令楊君之勇
於從公始終其事嘉定令盧君之獨任勞力襄成善舉
蓋唯二君能不分畛域唯公是務而鎮洋
令石君得以相與有成也故樂而爲之記

大神廟在縣前舖乾隆六年里人吉夢鯉捐募重建州

縣合祀別有廟在太倉街南

東嶽廟在朝陽門西州縣合祀廟後有樓三間嘉慶六

年知州康基田改建 文帝廟於塔院移祀真武像供
奉樓內外加軒宇規制宏備

福吳富農龍神廟在海寧寺西州縣合祀別有廟在普
濟寺西明崇禎十五年知州綏肅樂建

天后宮在城州涇橋北舊名靈慈宮元至元二十九年
海道萬戶朱旭建永樂七年由聖妃改額天妃 國朝
加封天后州縣合祀別有行宮在劉河鎮元至元間建
國朝雍正間修乾隆五年重建大殿規制益宏

劉猛將軍廟在大東門外 國朝雍正十一年奉

敕歲冬至後第三戌日準八蜡例祭正月十三日祝釐
城隍廟在城東南隅明宏治十年卽東嶽寺改建嘉靖

詳入公佔祭銀請歸額編雖次第經理而祭器闕略公費無贏善後事宜其可緩乎節婦童周氏舊有祭田二十四畝在二十九都一畝斜涇下澤圩直一百五十兩其嗣子城如售產助建坊費將坊表雖崇而時祀無資矣鄉先生行人顧陳塆奉封翁命謂節婦已入貞孝祠宜將此田贖作祠產以永其祀遂奮義舉捐金請贖一時諸後裔益動孝祀之心共捐資四十兩合行人所捐貲八十兩贖田歸公其未數價值城如亦樂輸焉是舉也行人倡義于先諸後裔繼美于後童節婦之祭產失而復存由是祠中公費咸有恒資倘其歲入有贏積而累之俾祭產加增且得以其餘建坊祠前將是祠益垂不朽余之樂成其義舉者存天地之至性立生人之大本而所以推廣朝廷勵俗維風之至意也諸後裔請勒石垂遠爰敘始末爲之記

鎮洋縣

社稷壇

與太倉州同壇合祀

風雲雷雨山川壇

與太倉州合祀

先農壇高二尺一寸廣輪二丈五尺廟三楹旁屋二楹

前戟門東西轅門在朝陽門外 國朝雍正四年奉

旨建仲春亥日祀耕藉九推壇前藉田四畝九分歲收

米穀供祭祀 縣專祀

雩壇不另建 國朝乾隆七年奉

旨歲孟夏擇日即先農壇設木主一書風雲雷雨之神

一書山川之神一書縣社之神一書縣稷之神并奉先

農神主雩祭如仲春祭先農禮 縣專祀

八蜡壇不另建即先農壇設木主祭先嗇司嗇農郵表

啜貓虎坊水庸昆蟲八神臘月上戊日祀 縣專祀

武廟 已下見太倉州

火神廟

東嶽廟

福吳富農龍神廟

天后宮

劉猛將軍廟在大北門外爲縣尊祀

城隍廟

名宦祠

鄉賢祠

忠孝祠

厲壇

王文肅公祠

貞節祠

嘉定縣

社稷壇高三尺縱橫二丈三尺主以石不鐫神號瘞于壇之正中露其首壇植樹木繚以垣垣內廣袤各七丈八尺基廣五畝一分八釐八毫在北門外宋嘉定十一年知縣高衍孫建于縣治西北元至大三年知州王鐸移于西南明洪武三年知縣胡永安移建今處 國朝雍正十三年知縣程國棟重建

風雲雷雨山川壇基廣二畝四分在南門外元延祐四年知縣任立建于社稷壇西明洪武三年知縣胡永安移建今處 國朝雍正十三年知縣程國棟重建壇制祭期同社稷壇

先農壇在東門外 國朝雍正十年知縣江之燁奉文
建享殿三間東西配房各一間藉田四畝九分壇基二
分殿基三分每歲耕藉日祭

八蜡壇不另建乾隆十一年知縣程國棟奉文附神牌
于先農神殿歲季冬上戊日祭

武廟在城內

火神廟在北門外

劉猛將軍廟在馬陸村

城隍廟舊在富安坊明初知縣胡永安建于縣東 國
朝康熙五十二年增擴園亭

忠義孝弟祠在縣治

節孝祠在九畝

厲壇在北門外明洪武五年知縣文殊努建 國朝因

之歲清明中元十月朔祭

明各鄉並設鄉厲壇今廢

〔寶山縣〕

社稷壇基地六分九釐在南門外岡字號四十三畝壇制祭期同州知縣胡仁濟捐修

風雲雷雨山川壇基地五分在南門外岡字號四十三畝壇制祭期同州知縣胡仁濟捐修

先農壇基地六分藉田四畝九分在南門外岡字號四十三畝壇制祭期同州 國朝雍正四年知縣唐彥龍捐建歲以仲春亥日耕藉于此乾隆九年知縣趙酉因

田種木棉不符禮典另勘本畝乃字圩二十三號田五畝五分近水可種禾稻詳奉批飭遷移另建
八蜡壇不另建卽先農壇設主祭祀

武廟在南門內

火神廟未建奉神位于南門外陳平廟秩祀

海神廟在南門外 國乾隆九年發帑 勅建

劉猛將軍廟

城隍廟在縣治東

節烈祠在城北門內

厲壇在北門外岡字號四十二畝壇制祭期同州

〔崇明縣〕

社稷壇高一尺九寸陞四各三級四面爲櫺星門深十八步廣東西各九步垣以屏之在南門外西偏 國朝康熙十八年知縣朱衣點建後廢乾隆二十五年知縣趙廷健重建

風雲雷雨山川壇基地二丈五尺高二尺一寸深七丈廣九丈四面爲櫺星門以磚垣屏之在南門外東偏 國朝康熙十八年朱衣點建後廢乾隆二十五年知縣趙廷健重建

先農壇高九尺廣袤二丈五尺前柵門繚以垣在東門外 國朝雍正二年知縣張文英建并捐置藉田四畝九分以供祭祀并修葺壇宇乾隆十九年知縣馬鵬飛

因經費不敷詳撥永福沙新漲蕩沙塗三十畝歲取草利以資費用

八蜡壇不另建卽先農壇設主祭祀

武廟在縣治東北別有廟在堡鎮

文昌宮在朝陽門外東

火神廟在武廟西

龍王廟在外津橋南別有廟一在新開河北一在文成壩

天后宮在外津橋南別有廟一在堡鎮一在六汲

劉猛將軍廟在北關外

城隍廟在縣治西北

忠義孝弟祠在學

節孝祠在城東

厲壇基地十畝零六釐二毫在北門外東北隅

公署

太倉州

州治在城北隅元延祐中遷崑山州泊于太倉卽今太倉衛舊址今州治故教場也明宏治十年巡撫都御史朱瑄奏立州檄蘇州府同知萬祥常熟崑山嘉定知縣張肅楊子器孫璽相卜規制得地知府曹鳳復自營度方經始知州李端任遂次第落成前照牆列兩坊東額政先四邑西額化洽五城坊南二亭東曰旌善西曰申

明大門譙樓一座儀門中三間東西角門各一閒土地
祠卽寅賓館在儀門外東獄房在儀門外西甬道在儀
門內中立戒石亭東西廊吏書房各十二閒大堂三閒
三軒穿堂三閒二堂五閒東架閣庫西庫房各三閒知
州宅在堂後正中宅門門房共三閒三堂三閒花廳三
閒三軒土地堂三閒

御書亭一知州茹之增立碑鐫

聖祖御書二一兩崖交翠陰一松自清瀉俯仰契幽情
神襟頓飄灑係康熙四十二年

南巡

御書朱子詩賜茹之增三天風雨百花催獨賞幽蘭倚

工部
卷之四
名
四
檻栽俯瞰田閒浮麥浪與情足食卽春臺係康熙四十
四年

南廵

御製虎邱詩賜茹之增三堂後內宅門三閒東西廂房
三閒正房五閒書房東向一閒又迤北東西向各三閒
又南向東向各一閒廊房十四閒耳房四閒樓房上下
共十閒僉押房二閒旁舍庖湑不具載 國朝乾隆四
十七年知州宋觀光捐養廉修葺宅後鎮洋山明知州
李端築約土岡三百步三峯列檜壘石甃池上有三亭
曰迎仙來仙遊仙有洞曰集仙知州倪宗正建亭山麓
曰醒菴知州黃廷宣復于西下建亭曰吏隱山上建樓

知州曾一經題曰籌邊今並廢乾隆五十八年知州鰲
圖捐建亭房五間並植松柏嘉慶六年秋知州康基田
刪除蕪穢引水環注額其亭曰餘軒記云辛酉秋初余
來牧是邦署後土
阿三百步曰鎮洋山山之名鎮洋在未立州治之先州
治負山而立山如列屏爲州鎮山有三峯前知州李端
始於上築亭三曰迎仙曰來仙曰遊仙有洞曰集仙壘
石甃池環以嘉樹嗣復有醒菊吏隱之亭嘉靖中築樓
於上曰籌邊今皆久廢無存近時鰲滄來亦築軒五楹
至余來此併滄來所築之軒俱就廢壞止餘斗室子然
獨存園內古栢蒼松偃仰盤屈如虬龍狀掩蔽於榛莽
中鬱其精神乃亟芟除蕪穢洗發靈山面目惡木盡嘉
樹見然後薙草種蔬引流環注復植桂樹三十餘株以
引清風日盤桓斗室中俯仰自適昔人謂君子必有寬
間遊息之地使清寧平夷恒若有餘然後理達事成而
余得於公餘和神安養默圖化理賴是碩果不食得餘
之趣因卽顏其額而爲之記

州同署舊在州宅東

國朝乾隆十一年移駐茜涇城

十八年州同陳家模領帑建基地五畝二分前照牆大門儀門各三間書吏房衙役房各三間大堂三間穿堂一間東西房各三間上房厠房各三間下房五間

儒學署

詳學校

吏目署舊在州宅西南明嘉靖十九年改巡鹽判官署遷儀門外及判官裁仍移舊處 國朝乾隆十六年吏目王修五動欸二百九十餘兩不足復捐養廉以建之七捕司巡檢署在七捕鎮 國朝乾隆二十八年建大門三間堂三間東西各一間後東西廂房從房共九間吏舍在知州宅東南四連每連六間共二十四間太倉衛署在縣界長春舖前照牆東西列柵門申明亭一西向大門儀門各三間吏書房東西各三間大堂三

二堂三間三軒書房六間正房五間

鎮海衛署在武陵橋西北張士誠壞諸佛殿以隆福寺
爲市舶提舉司署明洪武十三年卽市舶司基改衛治

僧會司 道會司 陰陽學 醫學

已上四署俱未建

倉儲

便民倉卽水次倉在大西門外舊在南門外卽海運倉
基明宏治十一年西門興福寺災知州李端卽其地改
建嘉靖十八年災知州萬敏重建大門儀門各一間官
廳東西廂房後堂共十間中後廡三連十二間東西廡
各七連共廡房八十間

常平倉兩所在州治大堂左右知州翁甫生建造廡房

十八間知州江之瀚添建廩房七間俱坐落大堂西首
知州江之煒續建廩房二十五間坐落大堂東首東西
共計五十間額貯穀二萬石乾隆二十七年七月風潮
坍塌知州邵豐鏃詳請修理奉 部准銷料工銀二百

九十九兩五錢三分六釐

常平積穀例于每歲五六月

青黃不接之候或歲歉米貴

及日給因糧支缺詳請給

帑買補足儲州屬同例

社倉兩所一在本城西門外小西鋪頭門一間官廳一
間衙堂一間廩房十五間看倉夫住房三間共二十間
士民顧岐王憬等捐建詳明抵捐社穀之項一在沙溪
鎮二十八都七畝頭門一間官廳一間廩房十三間共
十五間紳士陸恬奚貢三奚商哲等捐建看倉夫住房

一聞知州傅椿據社長呈買民房改建兩處社倉于乾隆三十五年知州貴中孚請動三十四年息穀三百四十一石三斗四升四合重修奉部准銷料工銀二百四兩八錢六釐兩處共本息穀一萬八千六百七十六石九斗二升三合三勺定例農民春間借穀于倉秋成計息償還豐年加一取息歉歲免息緩征社長經理不善或同胥徒指克侵挪並予嚴議康熙年間捐積本穀二千四百九十三石五斗九合雍正十二年三兩年共收捐米抵本穀二千六十一石二升七合六勺乾隆六年士民顧岐王憬等共捐本穀六千二百石零又自康熙年間起至乾隆六十年止共得息穀七千九百二十二石三斗八升六合有奇

鎮洋縣

縣治在海門橋西卽兵備道署基 國朝雍正三年知縣陶士傑支帑銀三千一十兩建前照牆列兩坊東首

額海邦首邑西額婁治分疆坊南二亭東曰旌善西曰

申明

乾隆五年知縣金鴻以四鄉舟楫不得通縣治于治之東西隅購民舍闢道立縣前埠樹坊今坊廢

大門三閒左右居門皂及巡警儀門三閒東西角門各

一閒甬道中立戒石東西吏書房各七閒東南爲土地

祠卽寅賓館

舊祠在東角門外乾隆八年知縣金鴻移改

獄在儀門外西南

隅大堂三閒三軒穿堂一閒二堂三閒東簡房西庫門

知縣宅在二堂後宅門四閒門外東西列門皂房三堂

五閒額曰證學

知縣平其政題

正屋五閒又東三閒額曰補過

知縣金鴻題

書房從房各二閒東西廂房共五閒上房五閒

內廂房四閒內書房二閒西後房七閒後樓三閒

乾隆二十年

三年知縣賴晉捐建

退思閣三閒在縣署內東首

乾隆三十年知縣賴晉捐建

署後地形窪下積水正屋低矮不振嘉慶六年知縣田鈞填墊窪形培高地址建大樓五間領起全局左右兩廂配合繚以周垣規模煥然大備

縣丞署自分縣以來已七十餘年歷任皆租賃民房居住無一定棲止嘉慶元年縣丞黃士績詳請借支養廉六百兩買文政舖民房改建基地八分頭門一間土地祠一間典吏科一間大堂三間穿堂一間二堂三間門房三間內外書房四間上房九間旁舍庖湢不具載

儒學署

詳學校

甘草司巡檢署在劉河鎮卽社倉基改建舊在甘草鎮因沿海坍廢移今處乾隆五十二年巡檢陳廸曜捐修

五十五年巡檢袁廖興捐修

典史署在縣治儀門外西北近監獄便稽察也大門三間大堂二堂各三間兩耳房西廂房各一間後堂五間兩廂房各三間乾隆二年知縣平其政奉文建支帑銀二百八十五兩零

僧會司

道會司

陰陽學

已上四署俱無定所

倉儲

便民倉與州同倉西偏各廩屬縣大門內東向門一官廳三間內室七間外皂房二間東西廩一百七十一間常平倉傍縣治 國朝雍正四年知縣陶士傑奉旨領帑建設廩三十間九年知縣唐尊堯領帑增一

十二間十一年知縣王惟恭領帑于縣治後增建一十八間共貯穀二萬石復捐建門三間廳五間餘廩二間備盤運乾隆三年奉 旨增貯捐監穀八千石五年知縣金鴻領帑于縣治後增建廩二十間二十八年知縣賴晉請項承修

社倉三所一在大西門外西一都一圖潮圩 國朝乾隆六年知縣金鴻倡率士民詳憲公建倉基地一畝七分零廩十三間廳一間倉門一間邑中向有社穀至是知縣金鴻復勸捐積穀計貯穀六千石設立社長歲司出納倉現存一在劉河鎮十九都六圖北區圩乾隆六年知縣金鴻倡率士民公建倉基地二畝零廩十四間

廳一閒倉門一閒一在鶴王市二十二都三圖珍圩乾隆八年監生王承烈何叔捐建倉基地一畝廩六閒今廢

〔嘉定縣〕

縣治宋嘉定十一年知縣高衍孫以軍馬司酒坊地改建基地二十七畝四分二釐前照牆東申明亭西旌善亭大門三閒門東西櫃房各三閒爲列櫃收銀土地祠三閒儀門三閒甬道中立戒石亭東西廊吏書房各一十四閒皂隸房各三閒大堂五閒三軒額曰親民前露臺設日規以測日景左鑾架庫右架閣庫西爲軍器庫庫房大堂東贊政廳一閒獄東西共六閒後監房三閒在大

堂右穿堂三間二堂五間額曰牧愛左爲門房右爲簡
房宅門內三堂五間舊額曰鳴琴今改內省堂後調鶴
軒東側樓各三間後樓五間額曰葆和四虛閣在後樓
東乾隆四十六年知縣姚學甲重修縣署以鳴琴堂改
建懷陸堂戒石亭改建公生明牌坊于內署西偏增建
爲山亭旋廢四十八年知縣趙源治重修縣署五十七
年知縣姚學甲重修縣署以牧愛堂改建可近堂就爲
山亭遺址改建今我亭

縣丞署舊在儀門左折北乾隆三十四年移駐南翔鎮
署未建租賃民房居住

舊廨廢乾隆四十年知縣傅作霖就遺址移建土地祠後改作

典史署

主簿署舊在儀門右折北今主簿移寶邑

舊廨址乾隆二十二年知

縣介王濤就遺址增建自新所旋廢四十六年知縣陳率祖五十二年知縣於一芳先後重建

儒學署

詳學校

典史署在大門內左偏乾隆四十年典史何維增以土

地祠遺址增建內廳三間

諸翟司巡檢駐諸翟鎮

乾隆三十四年以南翔巡檢司移駐

僧會司

道會司

陰陽學

醫學

已上四署俱無定所

倉儲

常平倉在北門內五圖基地六畝六分零明建文元年知縣樊鎮卽守禦千戶廨改建濟農倉宏治七年知縣王術萬歷二十八年知縣韓浚重修 國朝康熙十二年知縣趙所增修雍正五年奉文積穀知縣朱爾介卽濟農舊倉改建八年知縣江之煒動帑增造共倉廩四十九間額貯穀二萬石

寶山縣

縣治在西門內大街荷花池頭屬岡字四十三圖 國朝雍正四年知縣孔毓洙領帑建前照牆大門三閒儀門三閒東爲土地祠中甬道立戒石亭東西皂房兩廊吏書房上有樓獄房十四閒在西廊後大堂三閒三軒

堂東西各一閒其東一閒暫爲寅賓館穿堂三閒宅門外宅門各一閒三堂五閒書房三閒東側五閒西側六閒南向北向各三閒三堂後西書房三閒東側二閒大樓上下各五閒側樓上下各三閒內宅土地祠三閒三堂東南廠軒三閒爲箭道

主簿署在縣署大門內東首西向頭門一閒向南二門一閒大堂三閒東西走廊二閒大堂東首字識房一閒西首門房一閒小書房一閒向南住房五閒東西各廂房三閒雍正七年主簿胡文燈捐廉建造乾隆十年主簿陳至言捐廉重修五十四年主簿張允毅捐廉添設東書房二閒

儒學署

詳學校

典史署在縣署大門內西首東向頭門三間向南大堂三間向東宅門門房書房廚房三間向北二堂三間向東側廂三間向南住房三間旁屋一間 國朝乾隆九年典史楊兆本領帑建并建造土地神祠二間

顧涇司巡檢署舊在海口顧涇浦坍廢已久分縣後在北門內長壽庵居住署未建

吳淞營叅將署在西門內大街明嘉靖三十六年巡按尚維持建協鎮署 國朝順治十一年爲提督公署副將趙光祖另構署西南隅康熙五年復舊署六年改叅將署

僧會司

道會司

陰陽學

醫學

已上四署
俱無定所

倉儲

倉廩因縣治濱海地濕雍正九年知縣傅景奕在嘉定
縣城東門天字號四圖卽天主堂改建倉房七間十二
年知縣文鐸在西門內天字號六圖建造大門一間官
廳一間倉房四十三間乾隆六年知縣胡仁濬在縣治
北門內岡字號四十三圖建官廳一間倉房二十間

崇明縣

縣治宋開禧三年改崇明鎮爲天賜場設鹽課提督司
署元至元十四年陞場爲州改司署爲州治明洪武二
年改州爲縣因州署爲縣署嗣後歷遭倭寇署毀萬歷
十四年城遷今長沙知縣李大經復建崇禎九年知縣
李招鳳重建前照牆左右八字牆舊左申明亭右旌善亭大門鼓
樓三間左土地祠右班房舊寅賓館儀門五間獄在儀門內
西甬道中立戒石亭東西廊吏書房各十二間皂隸房
各二間大堂三間東庫房西簡房各二間庫房南爲庫
窖高三層貯銀大堂西倉房二間戶糧房一間宅門東西各
三間二堂三間額曰鏡心迤東三間額曰朗玉三堂三
間東西向書房各三間南向書房二間內房五間東西

房各二間旁舍庖福不具載

乾隆七年知縣許惟枚于照牆前立木坊三座南坊

書萬里門戶扶輿鎮鑰東坊書海國春熙外捍百島西坊書瀛洲仙窟內障三吳

昔年走馬燕山道今日提兵滄海涯

三尺龍泉書萬卷丈夫何處不為家

縣丞署在五潞乾隆十二年建衙署共二十五間舊在

東北移西北並廢

儒學署

詳學校

典史署在土地祠東順治十二年知縣陳慎建衙署共

十七間

同縣丞署並于乾隆四十七年詳修六十年又詳修

貊貊司巡檢署在鰲階鎮舊為半洋司巡檢駐半洋沙

乾隆三十三年奉文移駐內沙改為貊貊司巡檢三十

八年知縣范國泰詳請建署于鰲階鎮

蘇松總兵署順治十三年蘇鎮梁化鳳移鎮崇明暫駐
南門外民房十五年奉 勅永鎮建署朝陽門內照
牆一座東西轅門二座大門一進儀門一進大堂一進
穿堂一進內宅一進正樓一進正屋一進後堂一進東
首寧遠堂一進後書堂一進馬王廟一進內隨房一進
廚房一進右首箭廳一座轅門東首游守千把旗牌廳
西首外委刀牌材官馬材官火器材官廳照牆南步材
官號房軍牢夜不收房共一百九十三間

僧會司

道會司

陰陽學

醫學

舊志載衙署于明洪武十五年建迨後海圻于萬歷十一年遷城未建

倉儲

南倉在福民街南厰房十六間乾隆二十七年知縣趙廷健修建

萬安倉在東門內北首卽前道署雍正七年知縣祖秉震改建厰房八十六間乾隆四十三年知縣范國泰修建

添儲倉在北門內東首卽儲備倉舊址乾隆六年知縣許惟枚建厰房二十間四十三年知縣范國泰修建署後倉在縣治後厰房十八間乾隆二年知縣許惟枚建

社倉一在朝陽門外廩房十五間一在堡鎮土城內廩房十五間額貯本息穀六千四百八十二石一斗九升五合九勺零乾隆七年知縣許惟枚建

坊巷

太倉州

晝錦坊

州治前

安福坊

晝錦坊南

廣濟坊

靈慈宮右

東華坊

靈慈宮前景

祥坊

海門橋北州縣共轄民居坐西向東者隸縣

仁厚坊

景祥坊北州縣共轄

民居

坐北向南者隸縣

義和坊

東門橋下

里仁坊

八府橋西聲教坊

鼓樓

太平坊

鼓樓橋下

中政坊

陸容志云舊志武陵橋南今按橋南者廣宸坊東巷則書

鐵貓

而橋北一坊乃

積善坊

西城橋東

餘慶坊

西城橋西

興隆坊

書中政未知孰是

鎮海

興德坊

興隆坊北

佑聖坊

北巷內東

德潤坊

北巷內西

仁和巷

東門橋西

仁德巷

仁和巷內

泰福巷

安福橋下

寶積巷

即北巷鎮海衛

西安泰巷

稅庫局西

案坊以聚民巷以通道義各有取也近人以交衢為街僻徑為街莫問坊巷之名矣茲仍舊名使無忘舊

章也

柱史廷尉坊

州前為毛在

經略四鎮坊

安福橋為王在晉

四代一品

坊

天妃宮前為王錫爵

兄弟魁元父子及第坊

西門內為王錫爵王鼎爵王衡

代中丞兄弟九列坊

稅務舖為王倬王忬王世貞王世懋

父子兩臺五世

司馬坊

稅務舖為王世貞

貞節坊

為旌表烈女

以上皆見存

少保坊

安福橋為毛澄

進士坊四

二豐積坊北為陸景陳凱一甘泉巷北為陸容一塘橋為

顧以山又有陳琦陳璉顧瑾郭經夏時黃瑄進士坊

繡衣坊

塘橋為顧以山又柱有高宗本繡衣坊

史坊

寶積巷西

畫錦坊

豐積巷北

攀龍坊

畫錦坊南

興

俊坊

穿山西為

青雲坊

沙頭鎮人

瑞坊

寶積巷東為百

上載舊

盛世褒榮坊

飛雲橋西書封

名邦科第坊

寺前

志廢書鄉會歷

南北文宗坊

鸚哥橋東為徐燦

狀元坊

儒

科姓名為

榜眼坊

儒學前西為陸

會元坊

儒學前西為解

毛澄

儒學前西為陸

世科坊

州前上書科第傳芳都

元坊

趙汴王士驥王衡

經魁會元榜眼解元會魁榜眼坊

憲坊

州前為王

侍御坊

太平橋攀龍附鳳雲蒸霞蔚俱廢坊

錫爵王衡

以上皆廢

惟攀龍附鳳及雲蒸霞蔚二坊俱於嘉慶六年新改

鎮洋縣

通海坊

景祥坊西

景祥坊

海門橋北

仁厚坊

景祥坊北

今縣治

州縣合

坊巷

仁

廣寰坊武陵橋南俗名鐵貓街通濟坊陳門橋南興政坊旗纛廟前仁政坊

仁政坊舊太倉衛前崇文坊甘泉巷北豐積坊武坊南俗名觀

音堂坊北富安坊豐積坊東豐義坊早涇橋北俗名菜蔬街富潤坊早涇橋南太

和坊早涇橋下進賢坊鹽倉東按鹽倉即兩淮鹽使司分司基在長春橋西德濟坊鹽倉

西長春坊長春橋下富盈坊八字橋東登瀛坊八字橋下

泰昌巷飛雲橋東鹽鐵巷儒學西旗纛巷興政坊內甘泉巷仁武坊東吉

祥巷南門內東如意巷南門內西

父子進士坊太倉衛東為陸容陸伸太子司直坊長春里為張寅元輔坊

大西門外為王錫爵尚書坊大西門外為張輔之四世一品坊長春里為王在晉貞

節坊為旌表列女

以上皆見存

都憲方伯二坊

東鄉為王倬

繡衣坊三

一南門外為姜昂一陳門橋北為馬慶一

東鄉為王倬

雲鵬坊

武陵橋南為溫厚

聯芳坊

東鄉為王倬

孝子坊

新塘市為

黃信中

以上皆廢

嘉定縣

興賢坊

登龍橋南原名梅隱

太平坊

興賢坊南

永安坊

太平坊南

富安坊

永安

崇文坊

南保安橋

德富坊

太平坊東

拱星坊

拱星橋北原名棲鸞

大德坊

黃家橋北

孝感坊

北門內

歸厚坊

縣治東

安業坊

寶慶橋西

守忠坊

寶慶

東里仁坊

普濟橋北

奉仙坊

登瀛橋南

正心坊

東門內

齊禮坊

縣治西

富廩坊

齊禮橋西

便帆坊

永安橋北

嘉禾坊

廣平橋北

呈瑞坊

孩兒橋北

民坊

僕射巷口

慶宣坊

濟民橋西

珠還坊

西門內

永寧坊

護國寺西

迎恩

坊西候館前

南巷縣治前張馬巷法華塔南沈巷張馬巷東彭家巷張馬巷南趙家巷

賓與橋北耆英巷儒學巷今塞封家巷聚星橋北新街賓與橋東李家巷春

西橋大寧巷文化巷劉巷包巷俱失考山川壇巷南門外吉家

巷山川壇後後巷縣治後北巷拱星橋北四牌坊巷圓通寺河東盛巷

縣治西北馬蔣巷清境塘北陸家巷陸家橋東倉巷縣治西今新巷昆

寺東今名演武巷孩兒橋北俗名教場巷孩兒橋巷孩兒橋南李巷孩兒

橋巷南僕射巷西門內今名沈家巷宅西巷登平橋下園林巷演武場西于巷

西隱寺前昇平巷西門內俗名顧店巷唐家巷西門內濮家巷養濟院東養濟

巷政先葉巷引仙巷殷巷俱失考石馬巷山亭巷仁里巷

俱西門外猗文巷濟川橋南俗名烏盆巷東市橋巷普濟橋南今宣巷

普濟橋北今
秦家巷東門內
倉巷永昌橋南
新巷東門外

邦彥坊縣治前為進士題名
步蟾闕坊南門內為葛鏞
解元坊四牌坊巷為徐瑄

奎英坊積善寺東為宣景
冠英坊江橋為張昂
進士坊四牌坊巷為徐瑄

一孩兒橋西為徐博一妻塘
鎮為楊幽一吳松城為徐正都憲坊拱星橋南為徐瑄
大宗伯

坊護國寺前為徐學謨
秩宗名世坊西門外為張其廉
臺憲坊南翔鎮為楊錦兩

世方伯坊南翔鎮為張玘張子愛
司馬中丞坊方伯坊南為張任
晝錦坊

方素鎮為陳榮
孝子坊張馬巷南為金宏祖
節烈坊為旌表列女

以上見存

保赤坊縣治前
節用坊縣治左
愛人坊縣治右
澄清海甸坊慶

橋東舊在
養濟坊政先橋北
演武坊演武巷
二學通衢坊學宮東

端本善俗坊登瀛橋北
龍飛科第坊儒學左舊在縣治前
顧俊坊登龍橋北

直隸人言刊志
卷第四 營建上
坊巷

昂霄坊

張馬巷南
為金洞

世顯坊

聚星橋南
為葉廣

登龍門坊

南門內
為葛鋪

丹桂坊

城隍廟西
為陳臻

梯雲坊

孩兒橋西
為王榮

雙桂聯芳坊

通政坊西

徐博

奎秀坊恩光坊

俱孩兒橋
為李良

英華坊

西門內
為顏昱科第

坊

南翔鎮
為徐洵

擢英坊

東門外
為陸良能

登科坊

西門外
為金洲飛騰坊大

鎮為

進士坊五

仁里橋北
為楊錦一大場鎮為麗鑒一

龍鑒

江東為

勅贈臺史坊

登龍橋南
為沈龍

丹陛侍臣坊

封家巷南
為張梓

朝陽鳴鳳坊

孩兒橋西
為徐博

通政坊

鳴鳳坊前
為趙侃

尚書里坊

宮保

橋西為

恩榮坊

沈家橋
為沈珍

烏臺坊

俱望春橋
為沈灼

都諫

坊

安亭鎮
為楊瑛

我牙坊

真如鎮
為陳述

給諫坊

法昌寺北
為沈灼

庵南為

雙孝坊

戴家浜南
為沈輔及妻翟氏

尚義坊二

一般家行
為毛添安一太

沈輔為

以上皆廢

寶山縣

志無坊巷

崇明縣

福民街

縣治南

興賢街

縣治東

東街

縣治直東

西街

縣治直西

縣治西

北街

縣治北

朝陽街

縣治東南

迎恩街

瀛洲巷

縣治東

北

太平巷同春巷

河南轉西

迎恩巷

河南轉中

習文巷

河南轉東

躍

武巷

總鎮署後

淳風巷

淳風庵前

貞風巷

縣治西南

東廣儲巷

西廣儲

巷立誠巷靜安巷嘉樂巷

縣治後

後安巷

縣治後

神咸巷

縣治

西明咸巷

即吳進士巷

振武巷

總鎮署東

儒林巷

慈濟寺旁

東營房巷

北門外俗名穿心街

西營房巷南營房巷北營房巷

以上在城

虞公街

北門外俗名穿心街

太平街大唐街壽星街東河沿街西小港街西溟溝石

街長安橋街木行街熙春巷永寧巷清安巷咸寧巷里

仁巷沈國子衡以上俱北門外

探花坊為沈文編貞壽坊為陳世德妻尹氏百歲坊二一為李文謨妻趙氏一為

吳希卿妻龔氏

生員屠奉誥王泰一全校

直隸太倉州志卷第四終